



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Nezavisni odbor

Broj: 01-04-101-31-1 /24
Sarajevo, 30.10.2024. godine

SKUPŠTINA KANTONA SARAJEVO

OVDJE


PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2023.godine - dostavlja se

Nezavisni odbor na sjednici održanoj dana 31.07.2024. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2023. godine, a u skladu s članom 45. stav 5. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, informativno.



PREDSJEDAVAJUĆI NEZAVISNOG ODBORA

Adis Šošk





Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

IZVJEŠTAJ
O RADU POLICIJSKOG KOMESARA UPRAVE POLICIJE
MINISTARSTVA UNUTRAŠNJIH POSLOVA KANTONA
SARAJEVO ZA PERIOD OKTOBAR – DECEMBAR 2023.
GODINE

Juli 2024.godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
E-mail: nezavisni.odbor@skupstina.ks.gov.ba

1/15

Na osnovu člana 45. stav (1) tačka 5. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/2016, broj: 6/2019 - autentično tumačenje, broj: 26/2019, broj: 31/2019 i broj: 39/2020) i člana 8. stav (1.) tačka 10. Poslovnika o radu Nezavisnog odbora („Službene novine Kantona Sarajevo“, br. 13/22 i 52/22), Nezavisni odbor Skupštini Kantona Sarajevo podnosi:

I Z V J E Š T A J
o radu policijskog komesara Uprave policije Ministarstva unutrašnjih poslova
Kantona Sarajevo
za vremenski period oktobar – decembar 2023. godine

Nezavisni odbor Skupštine Kantona Sarajevo je sačinio detaljni tromjesečni izvještaj o radu Policijskog komesara na osnovu sljedećih pokazatelja:

- Izvještaja Policijskog komesara o svom radu za period oktobar-decembar 2023. godine,
- Informacija o aktivnostima Uprave policije za mjesec oktobar, novembar i decembar 2023. godine,
- Informisanja Nezavisnog odbora od strane Policijskog komesara na redovnim sjednicama u toku izvještajnog perioda,
- Informacija Uprave policije po raznim događajima, koje su tražene od strane Nezavisnog odbora tokom izvještajnog perioda,
- Kao i druge relevantne informacije za sačinjavanje izvještaja.

1. Organizacija i sistematizacija radnih mjesta u Upravi policije

U skladu s Pravilnikom o unutrašnjoj organizaciji Ministarstva unutrašnjih poslova Kantona Sarajevo br. 01-7-02-4934/21 od 16.02.2022. godine, u Upravi policije ukupno je 2.436 sistematizovanih radnih mjesta, i to 2.122 (87,11%) radnih mjesta za policijske službenike, 73 (3%) za državne službenike i 241 (9,89%) za namještenike.

Prema podacima iz službenih evidencija nadležne organizacione jedinice, na dan 03.01.2024. godine, poslove i zadatke policijskih službenika obavlja 1.394 (65,69%) izvršilaca.

Na dan 03.01.2024. godine, ukupno 29 (2,08%) policijskih službenika je suspendovano.

Ukupno 45 (3,23%) policijskih službenika bilo je na bolovanju dužem od 42 dana, dok je u izvještajnom periodu ukupno 334 (23,96%) policijskih službenika bilo odsutno ukupno 5.070 dana po osnovu spriječenosti za rad uslijed bolesti (do 42 dana).

U izvještajnom periodu 38 policijskih službenika je penzionisano.

Prema podacima iz službenih evidencija u Upravi policije MUP-a Kantona Sarajevo, na dan 03.01.2024. godine, upražnjeno je 728 (34,31%) radnih mjesta policijskih službenika.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

2/15

2. Rukovođenje Upravom policije, te neposredno usmjeravanje i koordinacija operativnih aktivnosti iz oblasti kriminaliteta, javnog reda i mira, te saobraćaja:

Policijski komesar je izvještajnom periodu osiguravao saradnju sa drugim policijskim organima i agencijama za sprovođenje zakona BiH, tužilaštvima i međunarodnim organizacijama po pitanjima iz nadležnosti Uprave policije.

3. Kriminalitet

3.1 Statistički pokazatelji

U periodu od 01. oktobra do 31. decembra 2023. godine, na području Kantona Sarajevo, prema službenim evidencijama Uprave policije MUP-a Kantona Sarajevo, evidentirano je 996 događaja s obilježjem krivičnog djela, što je za 27 ili 2,64% manje u odnosu na uporedni period prošle godine.

Od ukupnog broja registrovanih događaja s obilježjem krivičnog djela, njih 496 ili 49,8% evidentirano je po poznatom, a 500 ili 50,2% po nepoznatom izvršiocu. Naknadno su rasvijetljena 262 događaja s obilježjem krivičnog djela evidentiranih po nepoznatom izvršiocu, od čega 101 događaj prijavljen u posmatranom periodu, a 161 ranije.

Prijavljeno je 688 osoba (11 ili 1,57% manje), od kojih je 427 povratnika u vršenju krivičnih djela, što je za 18 ili 4,4% više u odnosu na uporedni period, i ova kategorija čini 61,12% od ukupnog broja prijavljenih. Među prijavljenima je 13 maloljetnika, što je za osam ili 38,1% manje u odnosu na uporedni period. Ukupno 306 osoba je lišeno slobode, što je za 54 ili 21,43% više.

Za događaje s obilježjem krivičnog djela, prema izjavama oštećenih, nastupila je materijalna šteta u ukupnom iznosu od 1.938.221,73 KM, 61.260,00€, 3.175,00\$, 100,00 AUD, 100,00 CAD, 120,00 CHF, 20,00 TRY, 1.800,00 RUB i 65.200,00 RSD – ukupne protuvrijednosti u KM: 2.065.317,13 KM što je za 436.657,15 KM manje u odnosu na uporedni period.

U odnosu na slučajeve koji su od naročitog interesa javnosti i građana, Policijski komesar je svakodnevno ostvarivao neposrednu usmenu i telefonsku komunikaciju, kao i pisanu korespondenciju s načelnikom Sektora kriminalističke policije, načelnicima odjeljenja u sektoru, kao i načelnicima policijskih uprava, a s ciljem davanja konkretnih uputa pri izvršavanju poslova i zadataka, te konsultacija u vezi s pojedinim konkretnim predmetima od posebnog značaja.

Posebna saradnja je ostvarena sa Sektorom kriminalističke policije i odjeljenjima u sastavu Sektora, gdje je Policijski komesar preduzimao mjere i radnje nadzora i stalnog animiranja rada odjeljenja, koja su nadležna za rasvijetljavanje najtežih oblika krivičnih djela iz oblasti privrednog kriminala, imovinski, krvnih i seksualnih delikata, zloupotrebe opojnih droga i kriminalističko-obavještajnog rada, te je direktno ili indirektno putem načelnika Sektora koordinirao aktivnostima svih odjeljenja i davao odgovarajuće upute i smjernice. Također, osiguravao je efikasniju saradnju s drugim agencijama za provedbu zakona, a kroz direktnu komunikaciju s rukovodiocima tih agencija/institucija, među kojima su Obavještajno-sigurnosna agencija BiH, Tužilaštvo BiH, SIPA, Granična policija BiH, Služba za poslove sa strancima BiH, Direkcija za koordinaciju policijskih tijela BiH, Federalna uprava policije, Kantonalno tužilaštvo Kantona Sarajevo, MUP RS i kantonalni MUP-ovi.

U izvještajnom periodu je evidentiran rast krivičnih djela iz oblasti protiv braka, porodice i mladeži, te smanjenje broja počinjenih krivičnih djela u oblasti protiv života i tijela. Najviše krivičnih djela evidentirano je u PU Novi Grad (237 ili 23,79%), a najmanje u PU Vogošća (39 ili 3,92%).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

U izvještajnom periodu evidentirano je smanjenje krivičnih djela u oblasti protiv života i tijela (19 ili 25,33% manje), protiv slobode i prava čovjeka i građanina (19 ili 22,09% manje), Protiv spolne slobode i morala (4 ili 57,14% manje), Protiv zdravlja ljudi (7 ili 7,14% manje), Protiv imovine (18 ili 3,3% manje), protiv opće sigurnosti ljudi i imovine (8 ili 25,81% manje), Protiv sigurnosti javnog prometa (3 ili 9,68% manje), protiv pravosuđa (2 ili 40% manje), Pregled događaja s obilježjima krivičnog djela u kojima su učestvovali maloljetnici (7 ili 41,18% manje).

U izvještajnom periodu evidentirano je povećanje krivičnih djela u oblasti protiv ustavnog poretka Federacije BiH, evidentirana su dva (2) događaja (nije bilo u uporednom periodu), protiv braka porodice i mladeži (41 ili 56,16% više), protiv privrede, poslovanja i sigurnosti platnog prometa (3 ili 300% više), protiv javnog reda i pravnog prometa (15 ili 42,86% više), protiv podmićivanja i krivična djela protiv službene i druge odgovorne funkcije (6 ili 100% više).

Od ukupnog broja registrovanih događaja s obilježjem krivičnog djela – 996, njih 496 ili 49,8% evidentirano je po poznatom, a 500 ili 50,2% po nepoznatom izvršiocu. Naknadno su rasvijetljena 262 ili 52,4% događaja s obilježjem krivičnog djela evidentiranih po nepoznatom izvršiocu, od čega 101 događaj prijavljen u posmatranom periodu, a 161 ranije.

- Koeficijent razriješenosti¹ u izvještajnom periodu iznosi 76,10%
- Postotak razriješenosti² u izvještajnom periodu iznosi 59,94%
- Stopa kriminaliteta³ u Kantonu Sarajevo za 2023. godinu iznosi 9,22 evidentiranih krivičnih djela na 1.000 stanovnika, i manje je za 0,32% u odnosu na prošlu godinu.

4. Javni red i mir

4.1 Statistički pokazatelji

Tokom izvještajnog perioda, u oblasti protiv javnog reda i mira evidentirana su 1.107 prekršaja, što je za 221 ili 16,64% manje u odnosu na uporedni period. Izdato je ukupno 846 prekršajnih naloga i podneseno 248 zahtjeva za pokretanje prekršajnog postupka. Na prekršaje utvrđene Zakonom o prekršajima protiv javnog reda i mira odnosi se 1.046 što je 94,49% od ukupnog broja prekršaja, a na prekršaje utvrđene odlukama općinskih vijeća o javnom redu i miru odnosi se 61 prekršaj ili 5,51%. Prilikom narušavanja javnog reda i mira, u izvještajnom periodu nije bilo teže povrijeđenih, dok je 21 osoba zadobilo lakše povrede (16 ili 43,24% manje).

Prema **mjestu izvršenja**, najveći broj prekršaja evidentiran je na ulici i drugim otvorenim prostorima (1.029 ili 92,95%), zatim na mjestima koja spadaju u kategoriju *ostalih* (55 ili 4,97%), ugostiteljskim objektima (21 ili 1,9%), te u školama i školskim dvorištima (2 ili 0,18%). Najviše prekršaja evidentirano je na području PU Centar (264 ili 23,85%), a najmanje u PU Ilijaš (30 ili 2,71%).

4.2 Javna okupljanja

Kao Policijski komesar preduzeo sam potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, te od Sektora za policijsku podršku, Sektora kriminalističke policije i Sektora uniformisane policije zatražio sačinjavanje cjelovite analize u vezi s provedenim mjerama i radnji prilikom vršenja osiguranja, kao

¹ Koeficijent razriješenosti je odnos broja razriješenih krivičnih djela (uključujući i razriješena krivična djela prijavljena u ranijem periodu) i broja prijavljenih krivičnih djela u izvještajnom periodu.

² Postotak razriješenosti je odnos broja razriješenih krivičnih djela (isključujući razriješena krivična djela prijavljena u ranijem periodu) i broja prijavljenih krivičnih djela u izvještajnom periodu.

³ Stopa kriminaliteta je broj evidentiranih krivičnih djela na 1.000 stanovnika.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

i podatke o ostvarenim rezultatima i uočenim nedostacima i nepravilnostima za vrijeme provođenja aktivnosti na osiguranju.

Policijski službenici Uprave policije proveli su planske aktivnosti u cilju bezbjednog održavanja javnih skupova, a u 213 slučajeva izvršeno je KDZ osiguranje.

4.3 Pratlje i osiguranja

Policijski službenici Uprave policije MUP-a Kantona Sarajevo su izvještajnom periodu izvršili 253 saobraćajna osiguranja, 106 pratnji ličnosti i delegacija, te 613 pratnji vanrednih/vangabaritnih prevoza.

5. Saobraćaj

5.1 Statistički pokazatelji

Na području Kantona Sarajevo tokom izvještajnog perioda evidentirano je 2.675 saobraćajnih nezgoda, što je za 115 ili 4,12% manje u odnosu na uporedni period. Ukupno 2.459 evidentiranih nezgoda je s materijalnom štetom (117 ili 4,54% manje), a 216 s nastradalim osobama (2 ili 0,93% više).

U naseljima je registrovano 2.472 saobraćajnih nezgoda (92,41%), a van naselja njih 203 (7,59%). Prema **kategoriji** puta, saobraćajne nezgode su registrovane: na ulicama u naselju – 1.925 (71,96%), na magistralnim putevima – 325 (12,15%), na lokalnim putevima – 252 (9,42%), na regionalnim putevima – 115 (4,3%), te na putevima koji se ubrajaju u kategoriju *ostalih* – 58 (2,17%). Prema **karakteristikama** puta, saobraćajne nezgode su registrovane: na raskrsnicama u naselju – 374 (12,97%), na raskrsnicama van naselja – 41 (1,53%), na pješačkim prelazima – 34 (1,27%), na mostu – 11 (0,41%), u tunelu – 4 (0,15%), prelaz preko željezničke pruge – 3 (0,11%), te na putevima koji se ubrajaju u kategoriju *ostalih* – 2.235 (83,55%).

5.2 Posljedice saobraćajnih nezgoda

Tokom izvještajnog perioda, u saobraćajnim nezgodama ukupno sedam osoba je poginulo – tri vozača, tri putnika i jedan pješak. Povrijeđeno je 258 osoba, od kojih je 31 (12,02%) zadobilo teške tjelesne povrede, a njih 227 (87,98%) je lakše povrijeđeno.

Među teško povrijeđenima je 11 vozača (35,48%), 2 putnika (6,45%) i 18 pješaka (58,06%).

Među lakše povrijeđenima je 131 vozač (57,71%), 61 putnik (26,87%) i 35 pješaka (15,42%).

5.3 Uzroci saobraćajnih nezgoda

Izvještaji pokazuju sljedeću distribuciju uzroka saobraćajnih nezgoda:

- nepropisno izvođenje radnji u saobraćaju – 528 ili 19,74%
- neprilagođena brzina – 271 ili 10,13%
- kretanje vozilom unatrag na kratkom dijelu puta – 131 ili 4,9%
- nedržanje potrebnog odstojanja – 125 ili 4,67%
- negiranje prvenstva prolaza – 32 ili 1,2%
- nedržanje vozila u kretanju što bliže desnoj ivici kolovoza – 17 ili 0,64%
- prolazak kroz crveno svjetlo – 11 ili 0,41%
- nepropisno kretanje vozilom u raskrsnici – 11 ili 0,41%
- uticaj alkohola – 10 ili 0,37%
- propuštanje održavanja puteva – 7 ili 0,26%
- mimoilaženje – 2 ili 0,07%
- obaveza vozača prema pješacima – 1 ili 0,04%
- nepoštivanje saobraćajnih znakova – 1 ili 0,04%
- teret na vozilu – 1 ili 0,04%



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

- *ostali* uzroci – 1.527 ili 57,08%

5.4. Preduzete aktivnosti iz oblasti sigurnosti saobraćaja

Policijski komesar je naložio pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrscnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

U sklopu tih aktivnosti, policijski službenici su kontrolisali ukupno 54.134 vozila i vozača, što je za 9.332 ili 14,69% manje u odnosu na uporedni period. Zbog kršenja propisa, vozačima je uručeno 64.364 prekršajnih naloga (5.404 ili 7,75% manje), te je podneseno 638 zahtjeva za pokretanje prekršajnog postupka (226 ili 26,16% manje). Registrovano je 28 događaja s obilježjima krivičnog djela zbog ugrožavanja sigurnosti saobraćaja, što je za tri ili 9,68% manje u odnosu na uporedni period.

Zbog tehničke neispravnosti, iz saobraćaja je isključeno 89 vozila (24 ili 21,24% manje), 1.065 vozača je zatečeno da vozilom upravljaju pod dejstvom alkohola (354 ili 24,95% manje), 1.177 vozača je sankcionisano zbog nekorištenja sigurnosnog pojasa (338 ili 22,31% manje), 395 osoba je zatečeno da upravljaju vozilom bez položenog vozačkog ispita (119 ili 23,15% manje), 155 vozača je zatečeno da vozilom upravlja u vrijeme izrečene zaštitne mjere zabrane upravljanja motornim vozilom (27 ili 14,84% manje), 1.220 vozača je sankcionisano zbog nepropisnog korištenja mobitela tokom upravljanja vozilom (97 ili 7,37% manje). Otkriveno je 6.859 vozila da učestvuju u saobraćaju bez važeće registracije – 5.883 ili 602,77% više, što je rezultat rada nadzornog sistema „SPARTA“.

U izvještajnom periodu, od višestrukih povratnika u vršenju prekršaja iz oblasti ZOOBS-a, **privremeno je oduzeto 31 vozilo od 30 osobe, koje su zbirno počinile 802 prekršaja, a njih zbirni dug po evidencijama je u iznosu od 778.428,61 KM**

5.5. Preduzete aktivnosti nakon saobraćajnih nezgoda sa smrtnom posljedicom ili teške tjelesne povrede kod tri ili više osoba

U izvještajnom periodu na području Kantona Sarajevo se dogodilo šest (6) saobraćajnih nezgoda koje su za posljedicu imale smrt ukupno sedam (7) osoba: tri vozača motornog vozila (3), tri (3) pješaka i jednog (1) putnika. Odjeljenje za saobraćajne istrage je odmah po zaprimljenim obavještenjima o istima upoznala postupajućeg tužioca Kantonalnog tužilaštva Kantona Sarajevo, a povodom navedenih saobraćajnih nezgoda u svih pet slučajeva, sukladno odredbama člana 25. stav 5. Zakona o uređenju saobraćaja u Kantonu Sarajevo, Ministarstvu saobraćaja Kantona Sarajevo dostavilo odgovarajuću informaciju, kako bi navedeno ministarstvo sukladno svojim obavezama preduzelo dalje mjere i radnje iz svoje nadležnosti.

6. Ostali poslovi i aktivnosti policijskog komesara

Policijski komesar je preduzimao sve mjere i radnje, uvažavajući zakonske i podzakonske odredbe, prioritete date od strane Vlade Kantona Sarajevo, Komisije za sigurnost Skupštine Kantona Sarajevo i Nezavisnog odbora Skupštine Kantona Sarajevo, a tokom izvještajnog perioda ostvario je kvalitetnu saradnju s ministrom unutrašnjih poslova Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

6/15

6.1 Saradnja s drugim organima i tijelima i postupanje u oblasti radno-pravnog statusa uposlenika Uprava policije

U izvještajnom periodu Policijski komesar je donio 17 rješenja o formiranju komisije/radne grupe, i to:

- Radna grupa za izradu propisa o postupanju sa tragovima

Policijski komesar je u izvještajnom periodu naložio realizaciju sljedećih aktivnosti u cilju sprovođenja procedura internog unapređenja policijskih službenika:

Čin „Samostalni inspektor“

- Konačan izvještaj o radu Komisije, broj: 02-30-1-1470-164 od 01.11.2023. godine.

Čin „Viši inspektor“

- Konačna Lista unaprijeđenih policijskih službenika u čin „Viši inspektor“, broj: 02-30-1-1470-157 od 11.10.2023. godine;
- Konačna Lista unaprijeđenih policijskih službenika u čin „Viši inspektor“, broj: 02-30-1-1470-157 od 11.10.2023. godine;
- Konačan izvještaj o radu Komisije, broj: 02-30-1-1470-164 od 01.11.2023. godine.

Čin „Inspektor“

- Obavijest kandidatima prihvaćenim za proceduru unapređenja u čin „Inspektor“ o terminu održavanja Intervjua, broj: 02-30-1-2529-60 od 05.10.2023. godine;
- Konačna Lista kandidata prihvaćenih za proceduru unapređenja u čin „Inspektor“, broj: 02-30-1-2529-63 od 06.10.2023. godine;
- Obavijest kandidatima prihvaćenim za proceduru unapređenja u čin „Inspektor“ o terminu održavanja pismenog testiranja, broj: 02-30-1-2529-67 od 12.10.2023. godine;
- Obavijest kandidatima kojima je vršena procjena posebnih kriterija s pismenim testom u proceduri unapređenja u čin „Inspektor“ o terminu uvida u ostvarene rezultate, broj: 02-30-1-2529-72 od 19.10.2023. godine;
- Preporuka za unapređenje policijskih službenika u čin „Inspektor“, broj: 02-30-1-2529-80 od 25.10.2023. godine;
- Odluka o unapređenju policijskih službenika u čin „Inspektor“, broj 02-142 od 30.10.2023. godine;
- Lista unaprijeđenih policijskih službenika u čin „Inspektor“, broj: 02-30-1-2529-86 od 03.11.2023.godine;
- Preporuka za unapređenje policijskih službenika u čin „Inspektor“, broj: 02-30-1-2529-89 od 06.11.2023.godine;
- Odluka o unapređenju policijskih službenika u čin „Inspektor“, broj 02-148/23 od 07.11.2023. godine;
- Lista unaprijeđenih policijskih službenika u čin „Inspektor“, broj: 02-30-1-2529-91 od 10.11.2023.godine;
- Konačna Lista kandidata predloženih za unapređenje u čin „Inspektor“, broj: 02-30-1-2529-94 od 17.11.2023.godine;
- Konačna Lista kandidata predloženih za unapređenje u čin „Inspektor“, broj: 02-30-1-2529-97 od 24.11.2023.godine;
- Konačan izvještaj o radu Komisije, broj: 02-30-1-2529-103 od 22.12.2023. godine.



Čin „Mlađi inspektor“

Rješenjem o imenovanju Komisije za unapređenje policijskih službenika u čin „Inspektor“ i „Mlađi inspektor“ Uprave policije MUP-a KS, broj: 02/5-1-30-1-9673 od 20.12.2023. godine, formirana je Komisija koja će provoditi proceduru unapređenja u čin „Mlađi inspektor“.

Prijem po javnom oglasu

Popuna radnih mjesta policijskih službenika u početnom činu „Mlađi inspektor“

U proceduri po Javnom konkursu za popunu slobodnih radnih mjesta policijskih službenika u Upravi policije MUP-a Kantona Sarajevo u početnom činu „Mlađi inspektor“, dana 25.10.2023. godine objavljene su Lista kandidata koji su ispunili uslove za pristupanje testiranju i Lista kandidata koji nisu ispunili uslove za pristupanje testiranju. Kandidati su Policijskom odboru mogli izjaviti žalbu u roku od 8 dana od dana objave listi. Nakon što je Policijski odbor odlučio o svim pristiglim žalbama, dana 27.12.2023. godine obavljena je Konačna lista kandidata koji su ispunili uslove za pristupanje testiranju po Javnom konkursu za popunu slobodnih radnih mjesta policijskih službenika u Upravi policije u početnom činu „Mlađi inspektor“ – 30 izvršilaca objavljenom dana 25.08.2023. godine. Istog dana objavljeni su i termini održavanja testa općeg znanja (od 09.01. do 11.01.2024. godine).

Popuna radnih mjesta policijskih službenika u početnom činu „Policajac“

Dana 06.11.2023. godine, objavljen je Javni konkurs za popunu slobodnih radnih mjesta policijskih službenika u Upravi policije MUP-a Kantona Sarajevo u početnom činu „Policajac“. Krajnji rok za predaju prijave na navedeni Javni konkurs bio je 07.12.2023. godine.

6.2 Zakonitost u radu

Kroz kontakte s rukovodiocem Jedinice za profesionalne standarde, Policijski komesar je nastavio stvarati uslove za nesmetan i nezavisan rad na provođenju unutrašnjih istraga.

U izvještajnom periodu, Jedinica za profesionalne standarde, Odjeljenje za unutrašnju kontrolu evidentiralo je ukupno 92 žalbe na rad i ponašanje policijskih službenika Uprave policije, te su u 57 slučajeva vršene provjere, a u 32 slučaja je vođena istraga. U tri slučaja je utvrđeno da nema osnova za vođenje unutrašnje istrage.

Zaprimljene su 92 predstavke - 70 predstavki su podnijeli građani, a 22 predstavke predstavljaju saznanja iz službe.

U izvještajnom periodu okončano je 26 unutrašnjih istraga, gdje ih je sedam bilo osnovanih, devet neosnovanih, u četiri slučaja bez dovoljno dokaza, u dva slučaja obustava, u jednom slučaju odustanak, a u tri slučaja prekid unutrašnje istrage.

U izvještajnom periodu nisu registrovane predstavke s obilježjem korupcije.

Za teže povrede službenih dužnosti tretirana su tri policijska službenika. U sve tri predstavke postoje osnovi sumnje da su policijski službenici počinili težu povredu službene dužnosti iz člana 103. stav (1) tačka h) *Ponašanje koje narušava ugled policijskog organa.*

Za lakše povrede službene dužnosti je tretirano šest policijskih službenika. U jednoj predavci postoje osnovi sumnje da je policijski službenik počinio lakšu povredu službene dužnosti iz člana 102. stav (1) tačka a) *Nošenje i održavanje uniforme, naoružanja i opreme suprotno odgovarajućim propisima.* U dvije predstavke postoje osnovi sumnje da je policijski službenik počinio lakšu povredu službene dužnosti iz člana 102. stav (1) tačka f) *Nekorektno i nepristojno ponašanje prema kolegama, zaposlenicima, pripadnicima drugih organa ili građanima i tačka h) h) Neizvršavanje, nesavjesno, neblagovremeno ili nepažljivo*



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

izvršavanje službenih zadataka bez težih posljedica.

U skladu s Instrukcijom o vršenju unutrašnjeg nadzora u Upravi policije Ministarstva unutrašnjih poslova Kantona Sarajevo broj: 01-43/19 od 16.10.2019.godine, a u vezi sa članom 2. Instrukcije o izmjenama i dopunama instrukcije o vršenju unutrašnjeg nadzora u Upravi policije Ministarstva unutrašnjih poslova Kantona Sarajevo, broj 01-7-05-5733/19 od 26.12.2019 godine, u periodu oktobar-decembar 2023. godine, policijski službenici, inspektori Odjeljenja za unutrašnji nadzor, koordinaciju i usmjeravanje postupili su po pet (5) Naredbi za vršenje unutrašnjeg nadzora u organizacionim jedinicama Uprave policije. U vezi sa članom 2. stav 1. tačke c. i d. ove Instrukcije, unutrašnji nadzor je vršen kao redovan i vanredan oblik nadzora. U izvještajnom periodu, inspektori Odjeljenja za unutrašnji nadzor, koordinaciju i usmjeravanje izvršili su četiri (4) redovna i jedan (1) vanredni unutrašnji nadzor, kako slijedi:

Postupajući po naredbi Policijskog komesara broj 02/2-N-09/23 od 28.09.2023.godine, u vremenskom periodu od 03.10. do 12.10.2023. godine, izvršen je redovan unutrašnji nadzor u Policijskoj upravi Centar. Nadzor je izvršen u vidu instruktivno-preventivnog unutrašnjeg nadzora, a u skladu sa članom 7. Instrukcije o vršenju unutrašnjeg nadzora u Upravi policije MUP-a KS. Prilikom vršenja unutrašnjeg nadzora konstatovani su određeni nedostaci koji se odnose na ažurnost vođenja pojedinih evidencija, zatim da konkretni zadaci u patrolnim nalogima nisu ažurirani i konkretizovani, te da sigurnosni dosjei rukovodilaca sektora nisu ažurirani u skladu s važećim Uputstvom. Policijskoj upravi Centar naloženo otklanjanje konstatovanih nedostataka do 16.11.2023.godine.

Postupajući po naredbi policijskog komesara broj 02/2-N-10/23 od 23.10.2023.godine, u vremenskom periodu od 26.10. do 31.10.2023. godine, izvršen je redovan unutrašnji nadzor u Policijskoj upravi Novo Sarajevo. Nadzor je izvršen u vidu instruktivno-preventivnog unutrašnjeg nadzora, a u skladu sa članom 7. Instrukcije o vršenju unutrašnjeg nadzora u Upravi policije MUP-a KS. Prilikom vršenja unutrašnjeg nadzora konstatovani su određeni nedostaci koji se odnose na ažurnost vođenja pojedinih evidencija, zatim da konkretni zadaci u patrolnim nalogima nisu ažurirani i konkretizovani, te da sigurnosni dosjei rukovodilaca sektora nisu ažurirani u skladu s važećim Uputstvom. Data je preporuka da se službene prostorije u kojima se skladišti dugo oružje i municija adaptira na način da se u potpunosti ispune potrebni uslovi i standardi. Policijskoj upravi Novo Sarajevo naloženo otklanjanje konstatovanih nedostataka do 30.11.2023.godine.

Postupajući po naredbi policijskog komesara broj 02/2-N-11/23 od 06.11.2023. godine, u vremenskom periodu od 09.11. do 20.11.2023. godine, izvršen je redovan unutrašnji nadzor u Policijskoj upravi Novi Grad. Nadzor je izvršen u vidu instruktivno-preventivnog unutrašnjeg nadzora, a u skladu sa članom 7. Instrukcije o vršenju unutrašnjeg nadzora u Upravi policije MUP-a KS. Prilikom vršenja unutrašnjeg nadzora konstatovani su određeni nedostaci koji se odnose na ažurnost vođenja pojedinih evidencija. Policijskoj upravi Novi Grad naloženo otklanjanje konstatovanih nedostataka do 15.12.2023.godine.

Postupajući po naredbi policijskog komesara broj 02/2-N-13/23 od 29.11.2023.godine, u vremenskom periodu od 06.12. do 13.12.2023. godine, izvršen je redovan unutrašnji nadzor u Policijskoj upravi Hadžići i Trnovo. Nadzor je izvršen u vidu instruktivno-preventivnog unutrašnjeg nadzora, a u skladu sa članom 7. Instrukcije o vršenju unutrašnjeg nadzora u Upravi policije MUP-a KS. Prilikom vršenja unutrašnjeg nadzora konstatovani su određeni nedostaci koji se odnose na ažurnost vođenja pojedinih evidencija, kao i da nije izvršena podjela staničnog područja u skladu s Pravilnikom o unutrašnjoj organizaciji MUP-a KS. Policijskoj upravi Hadžići i Trnovo naloženo otklanjanje konstatovanih nedostataka do 15.01.2024.godine.

Postupajući po Naredbi policijskog komesara broj 02/2-N-12/23 od 12.11.2023.godine, dana 21.11.2023. godine izvršen je vanredni unutrašnji nadzor u Policijskoj upravi Ilidža, Odjeljenje kriminalističke policije Ilidža. Nadzor je izvršen u vidu selektivnog unutrašnjeg nadzora, a u skladu sa članom 7. Instrukcije o vršenju unutrašnjeg nadzora u Upravi policije MUP-a KS, a povodom anonimne prijave, koja je dostavljena putem e-maila, a koja se podnosi na navodno uočene nepravilnosti u radu istražitelja Odjeljenja kriminalističke policije Ilidža, E.Š. Prilikom vršenja unutrašnjeg nadzora od strane inspektora Odjeljenja za unutrašnji nadzor, koordinaciju i usmjeravanje, nisu potvrđeni navodi iz anonimne prijave.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

9/15

6.3 Finansije, nabavka opreme i materijalno-tehničkih sredstava

Izvršen je obračun i isplata plaće zaposlenicima Uprave policije za mjesec septembar, oktobar i novembar 2023. godine, po osnovici 330,00 KM primjenom Kolektivnog ugovora između Vlade Kantona Sarajevo i Sindikata policije Kantona Sarajevo („Službene novine Kantona Sarajevo”, broj 6/22) i Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 4/22 i 8/22)., te obračun i isplatu dodatka na plaću za mjesec septembar, oktobar i novembar 2023. godine a u skladu sa Sporazumom o dodatku na plaću u 2023. godini („Službene novine Kantona Sarajevo”, broj 11/23), i to:

- Bruto plaće, doprinosi poslodavca i topli obrok za septembar u iznosu od 5.973.475,64 KM,
- Bruto plaće, doprinosi poslodavca i topli obrok za oktobar u iznosu od 6.049.947,57 KM,
- Bruto plaće, doprinosi poslodavca i topli obrok za novembar u iznosu od 6.535.753,96 KM.

6.4 Javne nabavke Uprave policije MUP-a Kantona Sarajevo

Prema odredbama Zakona o unutrašnjim poslovima Kantona Sarajevo, Policijski komesar je odlučivao o korištenju sredstava i vršenju nabavki opreme i materijalno-tehničkih sredstava u skladu s namjenom odobrenih sredstava na budžetskoj poziciji Uprave policije. Nadalje, shodno odredbama Zakona o javnim nabavkama, Uprava policije Ministarstva unutrašnjih poslova Kantona Sarajevo, kao ugovorni organ, pokretala je postupke javne nabavke donošenjem odluke o pokretanju postupka javne nabavke.

6.4.1 Odluke o pokretanju postupka javne nabavke

U periodu oktobar – decembar 2023. godine, na osnovu Plana nabavki, odnosno posebne odluke, kao Policijski komesar donio sam odluke o pokretanju postupka javne nabavke putem:

Otvorenog postupka

- nabavka motornih vozila;
- nabavka sistema za evidentiranje prekršaja nepropisnog zaustavljanja i parkiranja motornih vozila na stajalištima javnog prevoza na području Kantona Sarajevo;
- proširenje sistema za prepoznavanje i akviziciju registarskih oznaka u KS: Lot 1 - Proširenje arhivskog prostora na serverskoj platformi; Lot 2 - Proširenje ANPR sistema“.

Ograničenog postupka

- nabavka vozila za specijalne namjene;
- nabavka usluga popravke oružja.

Direktnog sporazuma

- nabavka usluga laboratorijske i vizuelne kontrole obuće kod akreditovane laboratorije;
- nabavka UPS uređaja;
- nabavka sportske opreme I (LOT 1);
- nabavka sportske opreme II (LOT 2);
- nabavka potrošnog elektro-materijala;
- nabavka kancelarijskih stolica;
- nabavka video kamera;
- nabavka pozlaćenih satova;
- nabavka metalnih polica;
- nabavka kutija za pakovanje depozita;
- nabavka ručnih kolica;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

- nabavka usluga press clippinga;
- nabavka usluga izrade pečata/ štambilja;
- nabavka usluga servisiranja kabineta za sušenje tragova Safekeeper 1500 DUPLEX;
- nabavka rezača papira;
- nabavka opreme za videonadzor;
- nabavka telefax uređaja;
- nabavka mašina;
- nabavka mobilnog uređaja sa punjačem.

Procijenjena vrijednost pokrenutih nabavki iznosi 7.970.775,94 KM.

6.4.1.1. Faze pokrenutih postupaka

U izvještajnom periodu, provedene su određene faze postupaka javne nabavke roba i usluga, pokrenutih na osnovu odluka Policijskog komesara, a odnose se na provođenje:

Ograničeni postupak javne nabavke

- nabavka CS sprejeva i tekućine za kontrolu mase za vodeni top;
- nabavka specijalne policijske opreme;
- nabavka usluga pakovanja municije u redenike.

Otvoreni postupak javne nabavke

- nabavka policijskih uniformi;
- sukcesivna nabavka usluga servisiranja motornih vozila;
- sukcesivna nabavka usluga tehničkog pregleda motornih vozila;
- sukcesivna nabavka pogonskog goriva;
- sukcesivna nabavka motornih ulja.

Konkurentski zahtjev za dostavu ponuda:

- nabavka printera i multifunkcionalnih uređaja-postupak nabavke okončan poništenjem;
- sukcesivna nabavka prehrambenih proizvoda.

Procijenjena vrijednost pokrenutih nabavki iznosi 10.116.135,24 KM.

6.4.2 Zaključeni sporazumi i ugovori

Ukupna vrijednost zaključenih okvirnih sporazuma za period oktobar – decembar u 2023. godini iznosi 2.359.630,71 KM, a ukupna vrijednost zaključenih ugovora i ugovora po okvirnim sporazumima iz prethodnog perioda iznosi 831.027,10 KM.

6.5 Izvještavanje, zaštita tajnih podataka i informisanje javnosti

U skladu s odredbama Instrukcije o hitnom, tekućem, povremenom i statističkom izvještavanju Uprave policije MUP-a Kantona Sarajevo, Policijski Komesar je preduzimao mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

7. Migranti

Poseban segment rada predstavlja svakodnevno iniciranje, planiranje i realizacija mjera na prevenciji i zakonskom procesuiranju lica migrantske populacije koji su na području Kantona



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-055, Fax: + 387 (0) 33 562-210
 Web: <http://skupstina.ks.gov.ba>
 E-mail: skupstina@skupstina.ks.gov.ba

Sarajevo vršili protupravne radnje. U izvještajnom periodu usmjeravan je rad Operativnog tima za pitanje migranata u rješavanju problematike uzrokovane boravkom i kretanjem migranata na području Kantona Sarajevo, na način da je nalagano vršenje kontrole migranata i provođenje operativnih akcija, pri čemu su policijski službenici Uprave policije izvršili kontrolu ukupno 20 migranata od kojih su tri lišena slobode, a evidentirano je sedam počinjenih krivičnih djela.

Prema dostavljenim podacima IOM-a, zaključno s 31. decembrom 2023. godine na području Kantona Sarajevo boravi oko 1.295 migranata, što je za 18,98% više u odnosu na uporedni period.

8. Edukacija

Na osnovu planiranih aktivnosti Planom i programom stručnog usavršavanja policijskih službenika Uprave policije MUP-a KS za 2023. godinu, broj: 02/1-2-10/23 od 13.01.2023. godine, u izvještajnom periodu, kroz programe internog i eksternog stručnog usavršavanja policijskih službenika realizovani su moduli stručnog usavršavanja policijskih službenika Uprave policije za 2023. godinu, kroz koji su prošla ukupno 1.802 policijska službenika.

9. Rad policije u zajednici

Tokom izvještajnog perioda Policijski komesar dao je saglasnost i konkretne upute policijskim službenicima iz Odjeljenja za prevenciju maloljetničkog prijestupništva, nasilja u porodici i rad policije u zajednici za preduzimanje potrebnih aktivnosti u cilju uspostavljanja što bolje saradnje s građanima, mjesnim zajednicama, školama, predstavnicima vjerskih zajednica, udruženjima građana i nevladinim organizacijama. Policajci u zajednici su svakodnevno na terenu, te kroz proaktivno prisustvo i lične kontakte s građanima, socijalnim radnicima, pedagogima, direktorima i drugim osobljem javnih ustanova i mjesnih zajednica, nastoje stvoriti povoljniji ambijent za život svih kategorija stanovništva, a posebno za manjinske grupe i vulnerabilne kategorije stanovništva. Također, policajci u zajednici su svakodnevnom prisustvom na terenu, redovnim obilascima objekata gdje je povećano prisustvo građana, radili na prevenciji izvršenja krivičnih djela, narušavanja javnog reda i mira, te drugih prekršaja.

Tokom izvještajnog perioda, uz prethodnu saglasnost Policijskog komesara i odgovarajuće konkretne upute, policijski službenici Odjeljenja za prevenciju maloljetničkog prijestupništva, nasilja u porodici i rad policije u zajednici realizovali su sljedeće aktivnosti:

- Inspektor za prevenciju maloljetničkog prijestupništva – koordinator je ostvarivao svakodnevnu komunikaciju s tužiocima za maloljetnike Kantonalnog tužilaštva Kantona Sarajevo, kao i s istražiteljima za maloljetničko prijestupništvo Uprave policije, Službama za socijalnu zaštitu Kantona Sarajevo, kao i vladinim i nevladinim sektorom uključenim u rad s djecom i maloljetnicima;
- Inspektori su kroz pisane informacije obavještavali javnost, a na osnovu upita predstavnika medija, o pitanjima iz oblasti nasilja u porodici, izazivanja požara i Zakona o slobodi pristupa informacijama;
- Dana 18.07.2023. godine, Federalnom ministarstvu unutrašnjih poslova dostavljena je Informacija za vremenski period od 01.07.2022. godine do 01.07.2023. godine, a koja se odnosi na djecu u kontaktu sa zakonom, nasilju nad i među djecom, dostavu podataka o vaspitnim i drugim mjerama utvrđenim Zakonom o zaštiti i postupanju s djecom i maloljetnicima u krivičnom postupku, a izrečenim od strane policijskih službenika Uprave policije MUP-a Kantona Sarajevo i dostavu podataka o eventualnim projektima i planovima koji se odnose na sprečavanje maloljetničke delikvencije, nasilja nad djecom i među djecom uključujući i sprečavanje nasilja u digitalnom okruženju;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

12/15

- Dana 20.07.2023. godine – Policijski Komesar je prisustvovao sastanku Radne grupe za izradu radnog dokumenta kroz izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Federalnom ministarstvu unutrašnjih poslova dostavljeni podaci iz oblasti nasilja u porodici za vremenski period 2022. godine i januar – juni 2023. godine;
- Dana 31.07.2023. godine dostavljena je informacija Ministarstvu za odgoj i obrazovanje Kantona Sarajevo u vezi s poduzetim aktivnostima Uprave policije MUP-a Kantona Sarajevo, na osnovu Zaključka Vlade Kantona Sarajevo od dana 22.05.2023. godine koja se odnosi na izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Dana 08.08.2023. godine – prisustvovao je sastanku Radne grupe za izradu radnog dokumenta kroz izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Dana 14.08.2023. godine, sačinjena je Informacija u vezi s nasiljem u porodici sa statističkim podacima, a prema usmenoj naredbi Policijskog komesara;
- Dana 15.08.2023. godine – prisustvovao je sastanku Radne grupe za izradu radnog dokumenta kroz izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Dostavljen Plan preventivnih aktivnosti za školsku 2023/2024. godinu, a po usmenom zahtjevu načelnice Odjeljenja za odnose sa javnošću;
- Dana 25.08.2023. godine, postupajući po aktu Ministarstva za odgoj i obrazovanja Kantona Sarajevo, sačinjen akt koji je upućen prema Sektoru uniformisane policije radi imenovanja kontakt osobe za formiranje i rad “Školskih saobraćajnih patrola” u osnovnim školama u Kantonu Sarajevo;
- Ministarstvu za odgoj i obrazovanje Kantona Sarajevo dostavljen prijedlog tema za edukativne radionice koje će biti realizovane u školskoj 2023/2024. godini, za šta je dobijeno odobrenje navedenog Ministarstva;
- Dana 24.08.2023. godine – prisustvovao je sastanku Komisije za ravnopravnost spolova Skupštine Kantona Sarajevo;
- Dana 28.08.2023. godine – učestvovao je na konferenciji za javnost Vlade Kantona Sarajevo radi prezentacije Smjernica/Sheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo;
- Dana 29.08.2023. godine – prisustvovao je konferenciji u organizaciji Ministarstva za odgoj i obrazovanje Kantona Sarajevo o temi „Dobrobit djece/učenika i prosvjetnih radnika-predstavljanje rezultate istraživanja o psihofizičkom zdravlju s preporukama“;
- Dana 07.09.2023. godine – prisustvovao je sastanku Koordinacionog tijela za prevenciju, zaštitu i borbu protiv nasilja u porodici u Kantonu Sarajevo, gdje su razmatrane primjedbe na Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, a u cilju upućivanja istog u daljnju proceduru;
- Dana 19.09.2023. godine inspektorica održala predavanje za 30 mladih na zahtjev “Global analitike”-”Hub Homework” akademije za buduće lidere o temi “Odgovor na nasilje nad ženama u okviru institucionalnih okvira”;
- Inspektori iz Odjeljenja koordinirali aktivnosti na realizaciji pripreme za festival “Dječiji kutak 2023 Skenderija”, zajedno s PS Centar, Sektorom za policijsku podršku, Jedinicom za saobraćaj, koji se realizovao od 23. do 24.09. 2023. godine;
- Dana 20.09.2023. godine – prisustvovao je sastanku Radne grupe za analizu i unapređenje zakona o zaštiti od nasilja u porodici, kao i dosljedniju primjenu istraga;
- Inspektorica iz Odjeljenja držala je predavanja u PSOTIC Centru u Butmiru vezano za predmisione obuke u periodu od 20.09. do 06.10.2023. godine;



- Dana 28.09.2023. godine – prisustvovao je na Konferenciji „Strateške politike prema mladima Kantona Sarajevo“.

Tokom izvještajnog perioda realizovane su sljedeće aktivnosti iz nadležnosti rada Odjeljenja za prevenciju maloljetničkog prijestupništva, nasilja u porodici i rad policije u zajednici kroz realizaciju edukativnih radionica u predškolskim obrazovnim ustanovama, osnovnim i srednjim školama u Kantonu Sarajevo, i to kako slijedi:

- održano devet (9) edukativnih radionica o temi „Stop vršnjačkom nasilju“, u saradnji s nastavnim osobljem za 183 učenika osnovnih škola;
- održane 73 edukativne radionice o temi „Dijete u saobraćaju“, u saradnji s nastavnim osobljem za 5.413 učenika osnovnih škola;
- održano je deset edukativnih radionica o temi „Cyberbullying“, u saradnji s nastavnim osobljem za 206 učenika osnovnih škola;
- održana jedna edukativna radionica o temi „Cyberbullying“, u saradnji s nastavnim osobljem za 71 učenika srednjih škola;
- održana jedna edukativna radionica o temi „Oružje ne štiti, oružje ubija“, za 48 učenika srednjih škola;
- održane tri (3) edukativne radionice o temi „Lopov uvijek bude otkriven“, u saradnji s nastavnim osobljem za 104 učenika osnovnih škola;
- održane dvije (2) edukativne radionice o temi „Prevencija maloljetničkog prijestupništva - prava i obaveze“, u saradnji s nastavnim osobljem za 245 učenika osnovnih škola.

Tokom izvještajnog perioda ostale aktivnosti policajaca u zajednici su realizovane kako slijedi:

- policajci u zajednici su održali devetnaest sastanaka s predstavnicima MZ, koji su rezultirali rješavanjem problema iznesenim od strane predstavnika istih;
- policajci u zajednici su održali jedan sastanak s predstavnicima KUD-a, jedan sastanak s predstavnicima Centra za socijalni rad, jedan sastanak s predstavnicima vjerskih ustanova, jedan sastanak s građanima jednog od sektora na staničnom području, jedan sastanak s povratnicima i manjinskim narodima i učestvovali u 11 kulturno-umjetničkih manifestacija i ostalih javnih skupova na području Kantona Sarajevo, koji su rezultirali ostvarivanjem saradnje i uspostavljanjem povjerenja između policije i građana;
- policajci u zajednici su vodili evidencije za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, kako bi osigurali poštivanje izrečenih zaštitnih mjera, veći stepen sigurnosti za žrtve kao i preventivno djelovanje na eventualno ponavljanje nasilja;
- policajci u zajednici su po pozivima osnovnih i srednjih škola učestvovali na više različitih multisektorskih sastanaka u cilju preveniranja neželjenih događaja i ponašanja u školama i oko njih;
- policajci u zajednici su vršili pojačan obilazak autobuskih, tramvajskih i trolejbuskih stajališta, a u cilju nesmetanog odlaska i povratka djece sa nastave, kao i građana prilikom odlaska i povratka na posao, kako bi se prevenirala eventualna izvršenja krivičnih djela i narušavanje javnog reda i mira;
- policajci u zajednici su ostvarivali kontakte s građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem, kao i eventualnog činjenja krivičnih djela krađa;
- vršen je obilazak mjesnih zajednica, te ostvareni brojni kontakti sa sekretarima i članovima savjeta u cilju unapređenja osjećaja sigurnosti i jačanja povjerenja građana u rad policije;
- policijski službenici Uprave policije MUP-a Kantona Sarajevo su se uključili u rad na formiranju „Školskih saobraćajnih patrola“ i prisustvovali koordinacionom sastanku u



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-055, Fax: + 387 (0) 33 562-210
 Web: <http://skupstina.ks.gov.ba>
 E-mail: skupstina@skupstina.ks.gov.ba

14/15

okviru Ministarstva za odgoj i obrazovanje Kantona Sarajevo, gdje je prezentiran Plan i program obuke za školske saobraćajne patrole.

10. Evidentirani pozivi javnih preduzeća u KS – zahtjevi za intervenciju

Policijske uprave policije MUP-a Kantona Sarajevo u izvještajnom periodu su evidentirale 106 zahtjeva za intervenciju od strane javnih preduzeća. U svim slučajevima policijski službenici Uprave policije su izašli na teren.

Broj: 01-04-101-31 /24

Datum: 31.07.2024. godine



PREDSJEDAVAJUĆI
NEZAVISNOG ODBORA

Adis Šečić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

15/15

